

欽定大清會典事例

欽定大清會典事例卷三百八十九

禮部

學校

訓士規條

考試規條

訓士規條。順治九年題奉。刊立臥碑置於明倫堂之左。曉示生員。

朝廷建立學校。選取生員。免其丁糧。厚以廩膳。設學院學道學官以教之。各衙門官以禮相待。全要養成賢才。以供

朝廷之用。諸生皆當上報

國恩。下立人品。所有教條開列於後。一。生員之家。

父母賢智者。子當受教。父母愚魯。或有非為者。子既讀書明理。當再三懇告。使父母不陷於危亡。一。生員立志。當學為忠臣清官。書史所載忠清事蹟。務須互相講究。凡利國愛民之事。更宜留心。一。生員居心忠厚正直。讀書方有實用。出仕必作良吏。若心術邪刻。讀書必無成就。為官必取禍患。行害人之事者。往往自殺其身。常宜思省。一。生員不可干求官長。交結勢要。希圖進身。若果心善德全。上天知之。必加以福。一。生員當愛身忍性。凡有司官衙門。不可輕入。即有切

己之事。止許家人代告。不許干與他人詞訟。他人亦不許牽連生員作證。一為學當尊敬先生。若講說皆須誠心聽受。如有未明。從容再問。毋妄行辨難。為師亦當盡心教訓。毋致怠惰。一軍民一切利病。不許生員上書陳言。如有一言建白。以違

制論。黜革治罪。一。生員不許糾黨多人。立盟結社。把持官府。武斷鄉曲。所作文字。不許妄行刊刻。違者聽提調官治罪。○康熙三十九年議准。直省奉有

欽頒上諭十六條。每月朔望。地方官宣讀講說。化導百姓。今士子亦應訓飭。恭請

御製教條。發直省學宮。每月朔望。令儒學教官。傳集該學生員。宣讀訓飭。務令遵守。如有不遵者。責令教官。並地方官詳革。從重治罪。○四十一年。

御製訓飭士子文。頒行直省各學。

國家建立學校。原以興行教化。作育人材。典至渥也。朕臨御以來。隆重師儒。加意庠序。近復慎簡學使。釐剔弊端。務期風教修明。賢才蔚起。庶幾棧樸作人之意。乃比年士習未端。儒效罕著。雖因內外臣工。奉行

未能盡善。亦由爾諸生積錮已久。猝難改易之故也。茲特親製訓言。再加做飭。爾諸生其敬聽之。從來學者。先立品行。次及文學。學術事功。原委有序。爾諸生幼聞庭訓。長立宮牆。朝夕誦書。寧無究心。必也躬修實踐。砥礪廉隅。敦孝順以事親。秉忠貞以立志。窮經考業。毋雜荒誕之談。取友親師。悉化驕盈之氣。文章歸於醇雅。毋事浮華。軌度式於規繩。最防蕩軼。子衿佻達。自昔所譏。苟行止有虧。雖讀書何益。若夫宅心弗淑。行己多愆。或蜚語流言。挾制官長。或隱糧包訟。出入公門。或唆撥姦猾。欺孤陵弱。或招呼朋類。結社

要盟。乃如之人。名教不容。鄉黨勿齒。縱幸脫褫。卽濫竊章縫。返之於衷。寧無愧乎。况夫鄉會科名。乃掄才大典。關係尤鉅。士子果有真才實學。何患困不逢年。顧乃標榜虛名。暗通聲氣。夤緣詭遇。罔顧身家。又或改竄鄉貫。希圖進取。蕞陵騰沸。網利營私。種種弊端。深可痛恨。且夫士子出身之始。尤貴以正。若茲厥初。拜獻。便已作姦犯科。則異時敗檢踰閑。何所不至。又安望其秉公持正。為國家宣猷樹績。膺後先疏附之選哉。朕用加惠爾等。故不禁反覆惓惓。頒茲訓言。爾等務共體朕心。恪遵明訓。一切痛加改省。爭自濯磨。

積行勤學。以圖上進。國家三年登造。束帛弓旌。不待爾身有榮。即爾祖父亦增光寵矣。逢時得志。寧俟他求哉。若仍視為具文。玩愒勿做。毀方雖治。暴棄自甘。則是爾等冥頑無知。終不能率教也。既負栽培。復干咎戾。王章具在。朕亦不能為爾等寬矣。自茲以往。內而國學。外而直省鄉校。凡學臣師長皆有司鐸之責者。並宜傳集諸生。多方董勸。以副朕懷。否則職業勿修。咎亦難追。勿謂朕言之不豫也。爾多士尚敬聽之。

○雍正三年議准。士子誦習。必早聞正論。俾德性堅定。將

聖諭廣訓。

御製朋黨論。頒發各省學政刊刻刷印。齎送各學。令司
鐸之員。朔望宣誦。

御製朋黨論。

朕惟天尊地卑。而君臣之分定。為人臣者。義當惟知
有君。惟知有君。則其情固結不可解。而能與君同好
惡。夫是之謂一德一心。而上下交。乃有心懷二三。不
能與君同好惡。以至於上下之情睽。而尊卑之分逆。
則皆朋黨之習為之害也。夫人君之好惡。惟求其至
公而已矣。凡用舍進退。孰不以其為賢而進之。以其

為不賢而退之。惟或恐其所見之未盡當也。故虛其
心以博稽衆論。然必衆論盡歸於至正。而人君從之。
方合於大公。若朋黨之徒。挾偏私以惑主聽。而人君
或誤用之。則是以至公之心。反成其為至私之事矣。
孟子論國君之進賢退不肖。既合左右諸大夫國人
之論。而必加察焉。以親見其賢否之實。洪範稽疑。以
謀及乃心者。求卿士庶民之從。而皇極敷言。必戒其
好惡偏黨。以歸於王道之蕩平正直。若是乎人君之
不自用。而必欲盡化天下之偏私以成大同也。人臣
乃敢溺私心。樹朋黨。各徇其好惡以為是非。至使人

君懲偏聽之生姦。謂反不如獨見之公也。朋黨之罪。可勝誅乎。我

聖祖仁皇帝御極六十年。用人行政。邁越千古帝王。而大小臣僚。未能盡矢公忠。往往要朋結黨。

聖祖戒飭再三。未能盡改。朕即位以來。屢加申飭。而此風尚存。彼不顧好惡之公。而徇其私暱。牢不可破。上用一人。則相與議之曰。是某所汲引者也。於是乎遠之若浼。曰吾避嫌也。不附勢也。爭懷妒心。交騰謗口。以媒孽之。必欲去之而後快。上去一人。則相與議之曰。是某所中傷者也。親暱者為之惋惜。疏遠者亦慰

藉稱屈。即素有嫌隙者。至此反致其殷勤。欲借以釋憾而修好。求一人責其改過自新者無有也。於是乎其人亦不復自知其過惡。而愈以滋其怨上之心。是朝廷之賞罰黜陟。不足為重輕。而轉以黨人之咨嗟歎息為榮。以黨人之指摘詆訾為辱。亂天下之公是公非。作好惡以陰撓人主。予奪之柄。朋黨之為害。一至是哉。且使人主之好惡。而果有未公。則何不面折廷爭。而為是陽奉陰違。以遂其植黨營私之計也。書曰。予違汝弼。汝無面從。退有後言。當時君臣告語。望其匡弼。而以面從後言為戒。夫是故一堂之上。都俞

吁咈。用能賡歌拜颺。以成太和之運。朕無日不延見
羣臣。造膝陳詞。何事不可盡達。顧乃默無獻替。而狡
滑叵測。蓄私見以肆為後言。事君之義。當如是乎。古
純臣之事君也。必期致吾君於堯舜。而人君亦當以
堯舜自待其身。豈惟當以堯舜待其身。亦當以皋夔
稷契待其臣。孟子曰。責難於君。謂之恭。陳善閉邪。謂
之敬。吾君不能謂之賊。夫以吾君不能而謂之賊。則
為君者以吾臣不能亦當謂之忍。語云。取法乎上。僅
得乎中。苟不以唐虞君臣相期待。而區區效法。僅在
唐虞以下。是烏能廓然盡去其私心。而悉合乎大公。

至正之則哉。宋歐陽修朋黨論。創為異說。曰君子以同道為朋。夫罔上行私。安得為道。修之所謂道。亦小人之道耳。自有此論。而小人之為朋者。皆得假同道之名。以濟其同利之實。朕以為君子無朋。惟小人則有之。且如修之論。將使終其黨者則為君子。解散而不終於黨者反為小人乎。設修在今日而為此論。朕必飭之以正其惑。大抵文人掉弄筆舌。但求騁其才辯。每至害理傷道而不恤。惟六經語孟及宋五子傳註。可奉為典要。論語謂君子不黨。在易渙之六四曰。渙其羣元吉。朱子謂上承九五。下無應與。為能散其

朋黨之象。大善而吉。然則君子之必無朋黨。而朋黨之必貴解散以求元吉。聖人之垂訓。亦既明且切矣。夫朋友亦五倫之一。朋黨不可有。而朋友之道不可無。然惟草茅伏處之時。恆資其講習以相攸助。今既登朝莅官。則君臣為公義。而朋友為私情。人臣當以公滅私。豈得稍顧私情而違公義。且即以君親之並重。而出身事主。則以其身致之於君。而尚不能為父母有。况朋友乎。况可藉口於朋以怙其黨乎。朕自四十五年來。一切情偽無不洞燭。今臨御之後。思移風易俗。躋斯世於熙皞之盛。故兼聽並觀。周諏博採。以

詳悉世務。且熟察風俗之變易與否。而無知小人。輒議朕為煩苛瑣細。有云人君不當親庶務者。信若斯言。則皋陶之陳謨。何以云一日二日萬幾。孔子之贊舜。何以云好問好察。此皆朋黨之錮習未去。畏人君之英察而欲蒙蔽耳目。以自便其好惡之私焉耳。朕在藩邸時。坦易光明。不樹私恩小惠。與滿漢臣工素無交與。有欲往來門下者。嚴加拒絕。

聖祖見朕居心行事。公正無私。故令繼承大統。今之好為朋黨者。不過冀其攀援扶植。緩急可恃。而不知其無益也。徒自逆天悖義。以陷於誅絕之罪。亦甚可憫。

矣。朕願滿漢文武大小諸臣。合為一心。共竭忠悃。與君同其好惡之公。恪遵大易論語之明訓。而盡去其朋比黨援之積習。庶肅然有以懍尊卑之分。歡然有以洽上下之情。虞廷賡歌。颺拜明良喜起之休風。豈不再見於今日哉。○七年議准。令直省各督撫轉飭地方官將

欽定臥碑

御製訓飭士子文。敬謹刊刻。裝潢成帙。奉藏各學尊經閣內。遇督撫等到任。及學臣到任。索臨於祇謁先師之日。該教官率生員貢監等詣明倫堂。行三跪

九叩禮畢。教官恭捧宣讀。令其拱聽。如有無故規避者。行學戒飭。其有居址遙遠者。令其輪班入城。恭聽宣讀。至生員貢監內。有唆訟抗糧。緣事曾經戒飭者。令其階下跪聽。以示懲戒。儻該教官不實力奉行。或藉端需索。奉行不善者。許該管上司題參議處。○又議准。凡恭遇

萬壽聖節元旦冬至丁祭之期。其優等生員。並貢監等。皆令分班陪列行禮。居址稍遠者。亦令輪班入城學習行禮。如有高臥不赴。參錯驕蹇者。行學戒飭。至遇督撫等官到任。及學臣按試。祇謁

文廟亦令一體遵行。並飭令各教官實力奉行。不得
瞻徇情面。亦不得藉端需索。○乾隆四年議准。
順天府儒學一例刊立臥碑於明倫堂。以垂永
久。俾諸生咸知恪遵。○五年。

欽頒太學訓飭士子文。

士為四民之首。而太學者教化所先。四方於是觀型
焉。比者聚生徒而教育之。董以師儒。舉古人之成法
規條。亦既詳備矣。獨是科名聲利之習。深入人心。積
重難返。士子所為汲汲皇皇者。惟是之求。而未嘗有
志於聖賢之道。不知國家以經義取士。使多士由聖

賢之言。體聖賢之心。正欲使之為聖賢之徒。而豈沾沾焉。文藝之末哉。朱子同安縣諭學者云。學以為己。今之世。父所以詔其子。兄所以勉其弟。師所以教其弟子。弟子之所以學。舍科舉之業。則無為也。使古人之學。止於如此。則凡可以得志於科舉。斯已爾。所以孜孜焉。愛日不倦。以至於死而後已者。果何為而然哉。今之士。惟不知此。以為苟足以應有司之求矣。則無事於汲汲為也。是以至於情游而不知反。終身不能有志於學。而君子以為非士之罪也。使教素明於上。而學素講於下。則士子固將有以用其力。而豈有

不勉之患哉。諸君苟能致思於科舉之外。而知古人之所以為學。則將有欲罷不能者矣。觀朱子此言。洵古今通患。夫為己二字。乃入聖之門。知為己。則所讀之書。一一有益於身心。而日用事物之間。存養省察。闡然自修。世俗之紛華靡麗。無足動念。何患詞章聲譽之能奪志哉。况即為科舉。亦無礙於聖賢之學。朱子云。非是科舉累人。人累科舉。若高見遠識之士。讀聖賢之書。據吾所見。為文以應之。得失置之度外。雖日日應舉。亦不累也。居今之世。雖孔子復生。也不免應舉。然豈能累孔子也。朱子此言。即是科舉中為己。

之學。誠能為己。則四書五經。皆聖賢之精蘊。體而行之。為聖賢而有餘。不能為己。則雖舉經義治事而督課之。亦糟粕陳言。無裨實用。浮偽與時文等耳。故學者莫先於辨志。志於為己者。聖賢之徒也。志於科名者。世俗之陋也。國家養育人才。將用以致君澤民治國平天下。而囿於積習。不能奮然求至於聖賢。豈不謬哉。朕膺君師之任。有厚望於諸生。適讀朱子書。見其言切中士習流弊。故親切為諸生言之。俾司教者知所以教。而學者知所以學。○十年議准。

欽頒訓飭士子文。已勒石太學。應通行天下學宮。同

聖祖仁皇帝聖諭廣訓。

世宗憲皇帝御製朋黨論。令教官於朔望日一體宣講。
永遠遵行。○四十四年奏准。

世祖章皇帝曉示生員八條。

聖祖仁皇帝訓飭士子文。

御製訓飭士子文。均勒石於熱河。

文廟。○嘉慶五年。

諭國家設立州牧縣令。為守土之官。原責以牧養斯民。勤勉吏治。若任意出境迎送上司。不特有曠職守。而黃緣奔競等弊。即從此起。豈設官分職之意耶。至生

員躬列膠庠。乃遇大員經過境內。亦有教官率迎道左之習。更屬無謂。即朕每於巡蹕所經。亦止令地方官於二三十里之內。前來瞻覲。若道途遙遠。即不令前來。亦所以重職守。其前往熱河時。因經過

文廟。有生員在道旁跪迎。他處從無此事。今朕聞那彥成前於奉命往陝省時。沿途地方官多有遠來接候。曲為逢迎之事。實屬外省惡習。著通諭各直省地方官。凡有守土之責者。務須各勤職守。儻遇上司欽差所過地方。其正印各員。非有公事傳詢。不得輕離職任。至教官為訓迪之司。尤不應率領生員。道旁迎

送俱著一體嚴禁。儻經此次諭禁之後。尚復視為具文。仍蹈從前陋習。一經覺察。或被入糾參。必當嚴行懲究。以期官方肅而士習端。亦化民成俗之一道也。

○十九年

諭。蔣攸銛奏請生監考試。概令默寫。

聖諭廣訓以端士習而厚民風一摺。向來直省各學政歲科考試。取進童生覆試時。定有敬謹默寫。

聖諭廣訓之條。誠以士為民倡。果能平時服誦。相與宣講。內而砥礪躬行。外而化導鄉俗。自見薰德善良。風氣日臻淳厚。其直省各學監生。不由童試。素未誦習。

而生員於取進後。亦日久不復循誦。該生監等身列膠庠。為齊民之表率。尤應令其修德懷刑。導民先路。著禮部通行直省各學政。嗣後歲科兩試。並貢監生錄科考道。均一體敬謹默寫。

聖諭廣訓一二百字。其不能默寫者。按其文藝遞降等第。及斥置不錄。庶該生監等勤加肄習。共相漸摩。俾鄉曲小民。咸知觀感。用副朕化民成俗之意。○二十三年

諭教化為立政之本。以正人心。以厚風俗。非持各省學政。當講明正學。以端士習。即督撫藩臬。以至道府州

縣各有治民之責。皆應隨時化導。俾小民遷善遠惡。力返古風。宋儒朱子全書。固足以闡明經術。而五經及四子書。炳若日星。若在官者。各能身體力行。以為編氓倡率。亦何不可收世道人心之益。朕前降諭旨。令牧民者。惟以孝弟忠信禮義廉恥為教民之先務。直省大小官吏。果能伸體朕意。實力奉行。廣為勸諭。使父誠其子。兄誠其弟。久之漸摩成習。薰德而善良者衆。日計雖不足。月計則有餘也。其有愚頑梗化之徒。狃於邪說。則明刑所以弼教化。導與懲創相輔而行。使民知畏法而生懼心。即漸知慕義而生愧心。至

於有恥且格。則經正民興。自無邪慝矣。○道光五年諭士為四民之首。欲正民風。先端士習。著各省學政。嚴飭各學教官。隨時稽查詳報。毋使身列膠庠。恃符滋事。如有刁生劣監。即分別戒飭褫革。至巧構訟端。潛身局外者。必應嚴行懲辦。其刁健之徒。凡審係虛誣。例嚴反坐。地方官不據實究辦。該管上司查明叅處。毋得日久生懈。視為具文。○咸豐元年覆准。文童府縣考試。均於正場默寫。

聖諭廣訓百餘字。

考試規條。○順治九年題准。學政出巡。半月前

行巡視學校牌。三日前行起馬牌。各提調教官
遇巡視牌到。將應考生童冊籍及應行事宜。逐
一完備。府提調官遇起馬牌到。將應考生童數
目開揭送覈。就近調取生童可足兩場者候考。
其餘俟下馬日勻配定期。出示調取。駐紮衙門。
須寬大可試千餘人。高垣厚壁。環覆以棘。不許
故留水道穴隙及假牆虛壁一切弊竇。書吏房
不得近廚廁。不得近巷市。仍各總界一門。門各
異鑰。鑰各異牌。總存一匣。以時啟閉。紅案門阜
等房。與外房須隔以牆。各備行竈淨器。堂上設

公座稍前置小公座。以便接見。試場須高敞。不留空隙。堂外甬道東西。以千字文橫列編號。每額懸粉牌一面。大書某字號。懸銜於上。考案前後左右相去各二尺。上置界尺一。下置淨器一。案脚用長竹編結。以防移動。仍貼某字幾號於案上。盡號止。即照案數置坐號籤。東西分為二筭。每一號為一束。又備造一冊。務令冊對籤號。籤對案號。於學政到日呈送。堂左設案二。候置出題等書。及照出手牌三十面。旁設大雲板一架。堂東西壁各備出題長柄牌六面。提牌八面。

小公座前置長案一。北首置移席換卷丟紙說話。顧盼撓越抗拒犯規吟哦不完。小印十箇。印色備。中放東西文場坐號籥箏。南首留與教官用印。兩旁設受卷長案各一。分置各府州縣學坐牌在上。每案置界尺四。呈文紙五十張。筆墨硯各一。照進長柄粉牌二。文場四隅各置案一。金四。以備巡綽人役瞭望。二門內大門外各設大鼓。先試一日。提調官齊備生童試卷。各照定式。不許長短不齊。卷面三圈。上圈書府州縣。中圈書廩增附青社及武生。童生則填寫文章武

童。下圈書習某經。接縫處上用提調。下用儒學各印鈐蓋。置印信方簿。面開某府州縣生童號簿。內開送考生童姓名。生員註廩增附青社等字。各名上留空白二寸許。以便書號。仍照千字文置籤一筒。將形音相似。如冰水王玉雨兩辰臣之類除去不用。考前一日。提調官信手抽籤記簿。照號書於卷背後。用教官印鈐蓋。摺疊彌封。再用提調印鈐蓋。卷面加浮籤書姓名。第三圈下旁留少許。以備填坐號。填號處仍鈐提調印。半在卷。半在浮籤。用印畢。依照入牌人數。每

二十卷一封。書某州縣生童第幾牌試卷。入箱封鎖。將號簿固封提調官署內。具五經。四子書性理。通鑑綱目。孝經。小學及武經七書呈送。以備出題。試日用印卷受卷。散籤給牌官東西各一人。以教官充。供給巡綽官各一人。司儀門啟閉官一人。以州縣佐貳或府首領官充。司照進照出牌官二人。以巡檢大使充。巡綽瞭望快手八名。分為二班。外用巡捕官二人。以佐貳首領官充。報名吏二名。書題兼受卷封卷書吏四名。按檢官二人。以衛所官充。帶領民壯二十名。軍

牢二十名。分東西按檢。前一日皆開具姓名冊呈驗。仍於隔別州縣分撥二班。以備臨期調換。試日漏下五鼓。外巡兵壯俱放號礮。以便諸生齊集。執牌吏將生童依次排齊於大門外。候門啟。提調官入至儀門止。吏舁卷箱隨入。巡捕官帶民壯軍牢立儀門外兩旁。先將執事官廩保內按檢員役點進。生童各持筆硯水注隨牌聽點。州縣官於大門外照冊唱名。隨牌引至儀門外魚貫序立。按檢官連唱子細按檢。兩旁齊應。二人對按一人。按畢。提調官點名給卷。執照入。

牌官引二十人至公座前聽點。用隔別州縣軍壯覆按。印卷散籤教官在小公座前東西相嚮。照點冊唱名。本生應名。隨以卷呈東立教官案上。用督學印一顆。西立教官信手掣籤給本生。即令吏書坐號於卷面。書姓名於坐號冊。東籤者東下。西籤者西下。各認號就坐。進畢。內按檢官役出。提調官教官繳點名冊。計入考若干名。有不到者。大書不到二字於本名卷上。以空箱及鎖匙同繳。提調官領坐號冊。率外按檢官役出。巡捕官稟領大門鎖鑰。檢點大門內。二門內。

並無一人。方從外封鎖。次司儀門官將儀門封鎖。鎖畢。堂上擊雲板。堂上下皆肅靜。吏執題目牌於甬道上下行走。俾其熟視。短視者立稟教官。將題高誦二三遍。不許往就。兵快輪班登案瞭望。凡遇各項犯規。認定行次面貌。鳴金一聲。高稟某字第幾號。生童犯某事。本生自持卷赴堂印記。二人共犯。二卷同印。抗拒者重究。如犯規不舉。及不犯妄稟者。官役重究。巳時。供給官稟明。二門上擊鼓三聲。許飲茶如廁一次。重出者不准。未時。大門外擊鼓三聲。堂上巡綽官接

雲板三聲。呼快謄真。申時。大門外重擊鼓。堂上擊雲板。不論已未謄完。皆交卷。不交者收卷扶出。其原給號籤同卷交還。執事官二人候立儀門內。一收照出牌。一司啟閉。受卷官東西各一人。督率封卷吏。照府州縣坐牌。每學以十卷為一束。三束為一封。註明某學三十卷。某官某吏封送判。收存各卷箱。交卷時。本生將浮籤揭下。帶回。受卷官每收一卷。先檢卷面。如不揭浮籤。或書姓名門第關節。及卷內夾帶片紙者。不許給牌。即時稟究。篇數不完者。印不完二字。卷上

有犯規等項印記。不許給牌。將卷付本生執立堂下。候出盡。詢係越號。換卷。丟紙者。生員黜退。童生責懲。餘弊。生員閱卷定奪。童生卷屏不閱。領牌至三十牌足。司儀門官稟請鎖鑰開門。收一牌方放一人。無牌者即係帶出試卷。司儀門官拘留稟究。如交卷時值牌盡。執卷立候。等收足三十牌。巡綽官公同數明級上原案。高聲稟收牌訖。擊鼓一聲。大門外巡捕官亦擊鼓一聲。從外開鎖。門止半開。逐一放出。把大門官吏不許入闕內。二門官吏不許出闕外。生童出盡。受

卷官計算收過籤數。收過卷數。與送考人數。有無異同。稟請點名冊。填送查覈。至發落先一日。牌出。提調官備絹紗絨花紙筆墨獎賞一二等生員。紙筆紙花。獎賞三等前十名生員。當日送進。提調之吏書。將等第名數文案呈提調鈐印訖。次日開門。提調官領出閱過試卷。傳齊生童。校對彌封及坐號簿。拆封填名。先折不取童生卷。次拆六等生員卷。將各卷唱名給看彙繳。如有字號舛錯等弊。持案進稟。如無別弊。諭令先散。次拆生員一等至五等。及取進童生卷。各填

卷填案。唱名給看。若字號舛錯。持卷進稟。發案畢。同原編號簿送覈。教官隨領諸生聽候發落。先將訪過優劣生員。同衆審問。衆情允服。方行賞罰。既畢。諸生聽候唱名。循序至檐下。一等二等各為一班。三等人多量分數起。交卷領賞。用鼓樂導引。行優者居前。次一等次二等者由中門出。次三等由東角門出。次四五等由西角門出。發落不到者革頂戴。限一月考奪。取進童生即隨生員進。以次發落。次日各該提調官仍率該學教官聽候考察。外縣官吏師生當日辭回。

不必候送。○十五年題准。直省儒童。止許歲試考取。其科試時。停止考取。○康熙二年題准。直省各學臣。三年之內。止應考試童生一次。鄉試後報滿。凡前任學臣已經考過一次者。毋得再考。如有前任學臣考試未完緣事離任者。許新學臣將未考州縣生童接考。以應鄉試。如有違例重考者。聽該督撫題叅。○十年覆准。嗣後學政案臨各府。於考試招覆之日。提調官即對明坐號姓名。將州縣府原取本卷解送學政。與所取之卷逐一磨對。儻文氣筆迹稍涉可疑。即行

按究。○十二年覆准。順治十八年。經科臣疏請併歲科為一考。今三年內童子入學。府學止二十名。大學止十五名。中學止十名。小學止七八名。據直省學政所報文冊。各學生員三年內每學。援納事故。黜革等項。約三四十名。至百名不等。三年為時甚久。僅行考試一次。儲才不廣。督責不勤。應仍照舊例。三年歲科兩考。滿洲蒙古漢軍。照漢人一例考試。○二十七年定。各學武生。於考校文生後。踵行考取。○四十一年覆准。鄉試之年。遇新任學政於本年到任者。即將歲

考一二等生員冊送科舉。以應本年鄉試。仍於鄉試後補行科考。生員補廩增童生入學。均照定例。將試冊速行送部。嗣後各省學政。因鄉試期近。科考未徧。題請以歲作科者。均照此例。○雍正十一年議准。嗣後生童坐號紅簿印畢。即封交提調收存。如學政有暗留坐號者。或經督撫訪查。或由提調申詳。即照定例議處。○十二年覆准。嗣後學臣下馬。即行封門考試。先文。其次文童。將文案發過。然後較試武場生童。先考騎射。次考策論。俾文武內外場規肅清。○十三

年

諭文武生員。不准入伍食糧。乃歷來定例。今朕聞陝甘提鎮所屬兵丁內。有文武生員現充營伍。而延綏一鎮。竟至六十餘名之多。在文武生員名列膠庠。各應專心舉業。嫻習技藝。以圖上進。豈可又挂名營伍。若已經入伍之兵。如有粗知文義。願應考試者。原有准入武場一體鄉試之例。不必又附名學校。若以一身而兼顧兩途。必且互相牽制。轉致兩誤。著署陝督劉於義通行各提鎮。將各兵內之文武生員。查明革糧。令其歸學。如有情願革去生員。當兵食糧者。即行知

該學政除名。准其留營差操。並飭行各營將弁。嗣後文武生員。一概不許濫收入伍。如故違成例。一經查出。即將該管將弁。及該學教官。一併題參議處。○乾隆七年議准。嗣後府學應進新生。即於州縣學招覆時。按照上次舊案。將府學應進之數。酌量一同取進覆試。至各省考取撥入府學。有向無定數。必須臨時酌量文風。始行總發招覆者。仍令各該學政因地制宜。不得過於遲延。○十九年覆准。直省學政考試。遇州縣應試人多。府考事竣。提調官據將取錄童生總數。申報學臣存

案以杜造冊送院時胥吏受賄撓入冒籍互考姓名之弊。學政案臨提調官按應考人數刊刻坐號籤記投納學署。催齊生童試卷於卷面加貼浮籤。開具姓名。鈐以印信。半在卷面。半在浮籤。於卷後用小字編號折角固封。生員卷鈐教官圖記。童生卷鈐州縣官印。再蓋以提調印。是為彌封字號。更置彌封冊。將生童姓名籍貫並卷後編號詳載於冊。封存提調公署。試日候學政門初啟。即具點名冊連卷箱一同投進。其坐號姓名冊。停其進送。學政於門內東西文場通

中之地設公座。兩旁各設長案。每案酌量多寡。委教官數人。生童點名給卷時。不鈐學政關防。不別設號籤書卷面。以致延誤晷刻。但取提調官所進坐號戳記。攪亂分為數盤。配以印色。各置兩旁案上。仍各設空盤備用。提調官於大門外點名。每二十名一牌。引至二門聽唱名。魚貫而入。學政堂吏給卷。生童領卷後。單名向東案。雙名向西案。教官各信手取坐號鈐於卷面。隨以用過之號。別置空盤。生童認坐號就坐位。點名畢。學政以點名冊發出封門。教官以餘號及

點名不到之卷。封繳學政。生童試藝既畢。自揭卷面浮籤。交納試卷。各記明坐號。候啟門出。學政閱卷取錄。止憑坐號發招覆團案。覆試已定。生員於等第全卷。童生於取錄各卷。均鈐學政關防。發交提調官拆出卷後編號。驗與編號冊姓名相符。然後填榜發案。○二十三年議准。考試生童。定例於五鼓點名。申刻淨場。不論已未膳完。俱令交卷散出。決不繼燭。恐日久法弛。學臣或博寬厚之名。以至暮夜滋弊。嗣後應恪遵題定場規。如有因繼燭滋弊者。將違例之學政

議處。○三十六年議准。馬兵如果技藝素優。當令就試武童。取進者一體鄉試。若不能取進武生。仍在營差操。不准鄉試。○五十四年

諭汪如洋奏各屬科試情形摺內。有東帝二童生錢汝宣。供出高鳴鳳越號求倩等語。東帝二字。自係東文場帝字坐號。然此字面不宜編列號房名目。該學政何不檢點若此。各省考試文場東西坐號。向例以千字文編排。相沿已久。如京師止用天地黃字等字。而應避之字。向不列入。外省恐皆一律編寫。殊失敬謹之道。但坐號有限。而千字文內字面甚多。儘足敷用。

豈可將帝皇等字編列。即以天元等字排入坐號。均非所以昭祇敬。嗣後京師貢院以及直省考棚。所有天元帝皇等字樣。俱不得概行編列。○嘉慶二年議准。嗣後各省學政。凡遇按試某府州將考過情形。具奏奉

旨後。即行咨明禮部備案。並將於何時考試何處。詳細日月。按季咨報。○四年議准。向例

特開恩科之年。各省邊遠府分。有因鄉試期迫。該學政奏請歲科連考者。均經議准在案。所有直隸永平宣化承德三府歲科連考。曩與向例相符。

准其歲科接連考試。○又覆准軍營效力奉

旨賞給頂戴職銜之生員。原係出力有功之人。其中有志上進。願應歲科試者。仍准其補廩出貢。其不願應試。甘以頂戴榮身者。免其歲試。於學冊內自列一款報部。○五年議准。廣西省泗城鎮安。二府學政案臨南甯。就近調考。准其歲科連試。○又議准。浙江省温州。處州。二府。水陸崎嶇。於驛站士子均多未便。嗣後該二府聽其歲科連考。○十一年覆准。廣西省泗城府屬生員岑明璧。係屬八品頂戴奉祀生。若照生員給頂等

項開除。未免阻其上進之路。該生如願應歲科
兩試。仍歸學管束。一體補廩出貢。或止願頂戴
榮身。專襲八品祀生。即免其歲試。於學冊內自
列一款報部。○十三年奏准。雲南省廣南府屬
生童赴廣西州考試。普洱府屬生童赴景東廳
考試。山川間阻。士子多歷險危。照東川昭通二
府之例。歲科接連考試。於此次歲考為始。至他
郎廳應試童生。嗣後於往赴景東考試時。先順
應普洱府試。以避瘴氣。仍由該學政於案臨前
豫飭該府迅速行文府考。毋庸先期調取。俾免

往來之煩。○又覆准。福建省興化府學生員翁邦彥等尊崇

文廟。出資捐修。獲邀議敘。與尋常得有職銜者不同。即照軍營效力

賞給頂戴職銜生員之例辦理。如該生願歲科考。照常補廩出貢。如不願應試。即免其歲考。將該員等於學冊內另列一款。每遇鄉試。仍由該學申送該學政錄送入場應試。○十七年覆准。福建省福州府生員高允卿本係文童。因軍功效力。欽賜生員。即比照世職人員改作文生員之例辦理。准

其於學冊內另列一款開報。免其歲試。○二十一年覆准。駐防旗生考充筆帖式。學冊內另列筆帖式行走生員一款。註明旗分年歲。報部查覈。毋庸開除。惟補筆帖式實缺後。列入開除項下。仍准就近鄉試。○二十三年

諭。伯麟等奏東川府應試生童。請改附省棚考試一摺。雲南東川府屬童生。向附曲靖府棚考試。茲據伯麟等奏該處道途險峻。兼有江水阻滯。應考生童。跋涉維艱。加恩著照所請。准其將東川府屬文武生童。改附省棚。仍遵照舊例。歲科接連考試。以順輿情。○道

光元年議准。四川省酉陽州屬。向附重慶府考試。惟路途遙遠。嗣後即在該州城專棚考試。仍照舊歲科連考。○五年覆准。廕生未經引

見。旋即入學。其鄉試錄遺時。照文生員兼襲世職之例辦理。免其歲考。○六年覆准。四川省龍安府屬四縣考棚。舊設江油縣境。平武。石泉。距棚較遠。嗣後准其歲科並考。○八年

諭。盧坤奏請仍復岢嵐州歲試考棚一摺。山西岢嵐州向設考棚。每遇歲試。由學政調集該州暨興縣嵐縣保德州河曲縣生童。赴岢嵐應試。嗣經成格奏准改

照五州縣科試之例。將岢嵐興縣嵐縣歲試。改附省棚。保德河曲兩州縣歲試。併附甯武府棚分考。茲據該撫奏五州縣生員等。以歲試附棚分考。數年以來。頗形苦累。懇請仍復舊制。並經該撫查明該生童等赴省院試。每值夏秋雨大。為水所阻。前赴甯武。較之岢嵐路程遙遠。且五州縣生童人數無多。該州物價不致驟昂。有妨民食。至稽查彈壓。有該州吏目及五學教職。足資差遣。如有不敷。亦可於鄰縣佐雜中就近添委。所奏自屬實在情形。著照所請。准於岢嵐州復設考棚。以後歲試。仍令岢嵐興縣嵐縣保德河曲

五州縣生童就近赴州應試。以免勞費。其科試仍著照舊定章程。附棚分考。○十一年

諭各直省學政於歲科兩試。及國子監錄科。務令嚴行按檢。遇有不肖士子。帶小本文策者。立予斥革。其恃衆逞強。不服約束者。枷號示衆。治以應得之咎。儻按檢番役吏胥人等。有意栽害者。重治其罪。○十三年奏准。山西省忻州添設考棚。該州並所屬之定襄。靜樂二縣。文武生童歲科兩考。即就近赴該州應試。○又

諭翁心存奏考試期迫。援照成例。請將南安。贛州兩府

暫行歲科併考一摺。江西學政歲科兩試。合計二十八棚。上年因補行正科鄉試。辦理錄遺稍稽時日。准其援照成案。將南安贛州兩府暫行歲科併考。嗣後不得援以為例。○又議准。安徽省壽州鳳臺童生。向在府城分棚考試。近因號舍不敷。即在該州專棚歲科分試。至撥府生員人數無多。仍赴鳳陽府應試。以歸畫一。○十六年

諭。潘錫恩奏請飭拏槍手傳遞人犯一摺。向來學政考試。遇有舞弊人犯。俱係移咨該省地方官照例緝拏。毋庸請旨辦理。著潘錫恩即將訊出槍手及傳遞各

犯姓名。移咨直隸總督。飭屬嚴拏務獲。歸案審辦。以符定制。○又奉

旨。嗣後承襲一二三等輕車都尉及騎都尉世職。比照雲騎尉恩騎尉之例。准其以文武生員兼襲。應試。不准以本非文武生員。將輕車都尉騎都尉世職。改作生員應試。以示限制。○又覆准。嗣後坐號底簿。封交提調。不准學政自收。致啟查閱營私之弊。○十七年覆准。增生已捐從九。經吏部准其註銷。收入學冊。未便仍還增生。即以附生應試。○十八年議准。貴州省銅仁府松桃廳。向附鎮遠府合

考。近因應試人多。於銅仁府分設考棚。嗣後銅仁。松桃。合棚考試。○十九年議准。貴州省石阡府。與所轄龍泉縣。向附思南府合考。現因應試人多。於石阡府設立考棚。該府縣生童就近考試。○二十年覆准。附學生員。經行聖公揀選。署理隨朝伴官。暫行免考。以署理行聖公伴官註冊。○二十八年議准。雲南省永昌。順甯兩府。景東鎮。沅。兩廳。均改為歲科連考。○咸豐二年

諭。張祥河奏。請將兼襲世職。情願入標之文生員比例。請旨一摺。陝西韓城縣附生。強盛齡。著准其將文生

員註銷。以騎都尉世職發標學習。○四年議准。學政
案臨考試。該府州非有緊要出境。及應迴避者。
務須親當提調。如有無故委員代辦。由該學政
隨時奏參。照違令私罪律議處。○又議准。學署
充補書差。務當嚴為挑取。先行局試。毋令濫充。
○五年議准。新疆鎮西廳考試事宜。照迪化州
後改府。章程。於廳試後。送烏魯木齊都統衙門。代
學政考試。○九年議准。安徽省廣德直隸州。向
赴甯國府考試。現由該州紳士捐建考棚。嗣後
即分棚考試。該州所屬之建平縣。附入廣德考

棚一體考試。○又

諭學政局門考試。場外弊端。勢難稽查。全賴提調知府彈壓巡查。乃近來提調多派丞倅州縣等官充當。不足以資統攝。嗣後各省學政考試各屬。如遇考棚在外縣之處。仍由該督撫派委知府充當提調。該府不准託名公事。私委屬員代辦。以重考政。○同治四年議准。江西省南安府。距省一千三百餘里。嗣後將南安府屬改為歲科並考。永遠遵行。至甯都州。距省七百餘里。兵荒之後。量為變通。暫行改為歲科連考。俟地方情形復舊。仍歲科分考。以

符定制。○六年

諭學政歲科兩試。生童正場之前。例有考古一場。著直
省學政於按考各屬時。徧諭生童。如有能默誦五經
通曉經義者。准其報名。即於考古場中按名面試。拔
之。以為研經者。勸其未經報考者。亦令認習某經。於
下屆按冊試之。該學政等務期崇尚實學。拔取真才。
毋得視為具文。以副朝廷樂育人才至意。○九年奏
准。吉林紳士捐建考棚。嗣後所屬士子。毋庸附
奉天寄棚考試。○又議准。廣東省陽江縣。前改
直隸州。業經捐造考棚。今改為直隸廳。仍專棚

歲科並考。○又議准。嗣後安徽省壽州鳳臺三州縣府試。由該府於學臣案臨之時。先期帶印赴壽州專棚開考。自本屆歲試為始。○十年覆准。吉林所屬士子。以及黑龍江附考各士子。嗣後由吉林同知徑行錄送。其提調官亦令吉林同知辦理。以專責成。至監場受卷。暫由奉天調取教職辦理。並照定章歲科連考。○十三年覆准。江西省甯都州屬。前改為歲科連考。今自本年為始。照舊歲科分考。○又議准。嗣後奉天學政案臨吉林。三年中歲科分考。以符定例而重

試事。○又奏准。陝甘延安府學。及膚施延長。延川。安塞。保安。靖邊。六縣。佳卷甚少。留取學額二十三名。俟下屆佳卷稍多。再行補取足額。○又覆准。江西省南安府屬歲科兩試。嗣後仍行分考。自下屆為始。○又奏准。甘肅省既設學政。嗣後通省各屬。一律歲科分試。○又奏准。廣西省鎮安府屬生童。向在奉議州考試。嗣因兵燹考棚被毀。改赴南甯府搭考。現將考棚移建郡城。專棚考試。○又議准。臺灣淡蘭兩屬。道阻且長。現在艋舺地方。捐建考棚。嗣後巡撫於閱兵臺。

北時。順便案臨考試。○光緒二年奏准。貴州省
思州府歲科兩試。向就鄰郡附考。現在捐建考
棚。嗣後分棚案臨。照舊歲科連考。○又奏准。貴
州省都勻府屬之八寨廳。佳卷甚少。科考留學
額六名。俟下屆佳卷稍多。再行補取足額。○又
奏准。甘肅省幅員遼闊。新復各區。應試人少。所
有蘭州。鞏昌。平涼。慶陽。涼州。甘州。甯夏。西甯。八
府。秦州。涇州。固原。三直隸州屬。一律歲科分試。
其極邊之階州。肅州。安西。三直隸州屬。暫仍歲
科連考。俟應試人數日增。再行分試。○三年奏

准。直隸省遵化州。暨所屬玉田豐潤兩縣。士子
歲科兩試。向係附考永平府。現該州官紳等於
州城捐建考棚。嗣後該三州縣生童及守護駐
防旗人。一體就近應試。毋庸再赴永平京旗附
考。○又奏准陝西省西安府屬考棚。在三原縣
城內。該府係省會首郡。政務殷繁。不遑兼顧。嗣
後以候補知府委充提調。○四年奏准河南省
地方荒旱。士子謀食外出。多未復業。所有河南
府陝汝二州生童歲試。暫緩至己卯年歲科並
考。○又覆准浙江省歲試。各屬應試人少。不敷

錄取。遵任缺毋濫之例。杭州府屬臨安縣缺額十一名。於潛縣缺額十一名。湖州府屬安吉縣缺額九名。孝豐縣缺額三名。嚴州府屬壽昌縣缺額二名。分水縣缺額三名。○又奏准貴州省八寨廳應試人數較多於前。佳卷僅足此次歲科正額。前屆留存之額。俟佳卷多時補足。○五年奏准甘肅省慶陽府南經兵燹。生童旅食維艱。本年科試。調赴涇州合棚附考。以示體恤。下屆歲試。仍照舊章辦理。○七年覆准。嗣後歲科兩試生員。如有考列一等。覆試不到者。降附三

等未以杜規避。○又奏准貴州省歲試。安順府學留取學額一名。興義府學留取學額二名。俟下屆科試佳卷稍多。再行補取。○八年奏准貴州省科試。文風日有起色。所有安順府歲試留額一名。興義府歲試留額二名。均補取足額。以示鼓勵。○九年奏准雲南省東川府所屬巧家會澤兩廳縣。向皆調赴省棚。歲科並試。現在該府城捐建考棚。嗣後即就近考試。仍舊歲科並行。自本年歲試為始。○又奏准各省學政。如佳卷無多。僅敷原額取進。將加廣之額停止。或原

額不敷取進。即將原額任缺毋濫。現在學額本寬。所缺之額。毋庸於下屆補足。○又覆准。山西省徐溝縣考試文章。佳卷不敷取進。所有缺額四名。下屆毋庸補足。○十一年議准。甘肅省甯夏慶陽二府。向係歲科分試。寒暖赴郡應考。頗形踴躍。嗣後歲科連考。以示體恤。○又覆准。貴州省思州。玉屏。青谿。三學。歲科各缺額一名。毋庸於下屆補足。

欽定大清會典事例卷三百九十

禮部

學校

罰贖對讀
繼歸宗

丁憂告假
吉給衣頂

復姓及名出
原名應試

罰贖對讀。○順治十六年議准對讀生員責成該學政行令各學簡選年力精壯文理通明之士。按年貌籍貫造冊交送提調內有點驗不對及蒙混塞責者。照例叅處。○雍正六年議准科場對讀例用五等青生。惟順天除京學外兼將外縣新進十名以外之生員充補。未免阻其上進之志。嗣後仍照現行例。概用五等青生對讀。

事竣准復附生。如人數不足以四等生員充補。其以新生充補對讀之處。永行停止。○乾隆二年議准。會試對讀。例用順天各學新生。如果無錯誤。副行該學政。遇歲試或科試考列三等者。准附二等末。二等者准附一等末。其歲考置劣等者。亦照此遞升一次。以示優獎。○六年議准。順天鄉試。由該學政將通屬四五等生員。照冊開送順天府承充對讀。仍飭各該教官嚴傳各生。務須科場十日前。赴該提調處齊集點驗。其中實有患病事故。飭取該生鄰里及該教官印

甘各結。以憑稽查。如有託故不到者。本生號革。開送官題參議處。○八年議准。四等生員。原未有不許鄉試之例。若遽令對讀。有礙場期。至四等武生。鄉試在十月。並無妨礙。嗣後五等青生。不敷對讀。將四等武生兼用。免其錄遺。准入武場鄉試。○十四年議准。四等文生。如錄遺有名。原不礙其鄉試。若錄遺無名。則既不準鄉試。正宜入場效力。俾知儆惕。嗣後四等文生科舉錄遺無名。仍令送場對讀。如四等文生。五等青生。俱不敷用。仍以四等武生補足。○十五年議准。

嗣後凡考居四等生員。有情願錄遺者。令該教官造冊申送錄遺。如取錄有名。准其鄉試。若未經取錄。即就近令其入闈對讀。至自揣難於取錄。不願錄遺者。由該教官豫行查明名數。冊送對讀。○二十四年議准。鄉試科場。例以五等青生對讀。人數不足。以四等生員充用。又順天鄉試。向因對讀人數不敷。奏請雇募貧生入場對讀。每名給予薪水銀四兩。議准遵行在案。今順天學政金德瑛奏稱。此四五等生員內。或有老病跋涉。資斧艱難。先期押赴京師。致有逃避不

到。並私自雇人。查出褫革者。揆之情罪。似屬可矜。不如量予罰贖。稍為變通。嗣後除甘親身供役外。果係老病。四等罰贖銀四兩。五等八兩。令該地方官出具印結。詳明學政。並將此罰贖銀兩。解交順天府衙門。歸於科場項下撥用。至此等生員。既准罰贖。則對讀人數。臨時如有不敷。自應酌量充補。現據侍郎熊學鵬等奏稱。順天府屬暨保定等府。每科所選謄錄書手。共有千人。每科約用八九百人。尚餘百數十人。即請充補對讀。但此等人內。向例止取字畫端楷。今令

充對讀。須略知句讀之人。應令順天府府丞於
考試謄錄字畫時。兼取文義略通者。分別記名。
充補對讀。庶為允協。其延雇貧生代充對讀之
處。永行停止。武生劣等對讀者。均照此辦理。
二十七年議准。浙江省對讀生員。援照順天之
例。令將罰贖銀兩解司。酌量雇覓承充。嗣後文
武四五等各生。除願甘供役。及丁憂事故。並四
等文生業經錄科有名外。如有老病不能供役。
及不願錄遺者。照例罰贖。又外省雇值稍賤。量
予酌減。准其令四等之生罰贖銀三兩。五等罰

贖銀六兩。解繳該管科場官。雇覓對讀。入場供役。再各省內有情形與浙省相同者。准援照罰贖銀數。一體遵行。其有應仍遵舊例辦理者。聽該省學政咨部存案。○二十九年覆准。貴州省地處邊隅。士子寒苦居多。仍照舊例。將四五等生員。聽其自行應役。有年老病廢者。亦照例令其雇覓寒士充當。銀數多寡。聽本生自給。不必限以定額。○又覆准。五等武生。照五等文生罰贖之例。罰贖銀六兩。解交藩司雇覓對讀。飭各省一體遵行。○又覆准。四五等生員。罰贖對讀。

遵例解銀雇覓。則對讀錯誤。咎在受雇之人。令該管科場官查明。按名責懲具報。本生免其褫革。○四十四年覆准。江蘇省本科文闈鄉試。檄發四五等生員。不敷對讀。現於各州縣書農內。擇其文理略通者。選充對讀。其所對之卷。即填該書農姓名。以專責成。○四十七年覆准。嗣後各省每屆鄉試時。將四五等生員內。實在入場對讀若干名。並遵例解繳罰贖銀兩若干名。分別造冊報部。即將各冊與歲考等第名冊。逐一覈對。以防遺漏。○四十八年議准。各省鄉試及

會試對讀生姓名。令與謄錄姓名一體改註於墨卷尾。以歸畫一。○五十二年奏准。嗣後舉子於墨卷自行點句。勾股對讀生將謄出硃卷。詳加校正。照式點句。各直省一體遵辦。○嘉慶二十二年覆准。嗣後考列五等之廩增附生。除附生降為青生者。罰令對讀。事竣准復附生外。其廩增各生。照例罰令對讀。仍不准開復。○光緒十年議准。順天鄉試對讀。於原設百名添設二十名。就歲科考童試。府州縣考列二十名以前。院試未經取進之童生。年在二十歲以外者。優

給費用。由該府廳直隸州酌量分派冊送府尹。考驗文理明順。入闈應差。如無錯誤。免府州縣考一次。俾得分司對讀。以期詳慎。

丁憂告假。○順治九年題准。凡生員丁父母憂。

免其應試。服闋呈學轉詳提調官。取師生鄰里保結。試以經書論三篇。廩解卷詳奪。增附青社。徑行學起復。過限三月申究。半年廩作曠。增附遞降。一年黜。凡游學從師隨祖父之任告假出行者。由學開明事由。呈提調官轉詳。批允給假。不得誤歲考。違者黜。果千里外未能即回。勘明。

取結具詳。限三月補考。再違者黜。凡患病者。提調官取該學及醫生甘結開報。限三月內補考。違限者。青衣徑黜。廩停作增。增降附。附降青衣。再違三月。皆黜。無故臨考不到者黜。雍正七年議准。嗣後生員果係措紳子弟。確有事故告假者。除照定例遵行外。仍令伊父兄伯叔將隨任事由。聲明本學教官。轉詳學臣存案。儻實未隨任。濫稱隨任者。或經學臣查出。或係教官詳報。除本生照例黜革外。仍將該生父兄伯叔指名叅處。如教官有徇庇失察等弊。一併分別議

處。至有非本生父兄伯叔指稱同族藉端游蕩者。該學嚴行禁止。概不准批行。○十三年議准。嗣後文武生員。遇本生父母之喪。令其呈明。期年內免應歲科兩考。及舉貢監生。停其鄉會兩試。童生亦不許應府州縣及院試。有隱匿干進者。照匿喪治罪。○又議准。廩增遇本生父母之喪。期年不應試。毋庸出缺。○乾隆元年議准。嗣後各直省生童。凡遇歲科試期。照舊取具並無匿喪甘結。如仍有匿喪應試者。除本人嚴行查究外。其扶同冒結之人。一體坐罪。○十年

諭近聞各處士子任意遷延屢次欠考。此風斷不可長。嗣後除無故臨點不到。即行斥革外。凡係病假生員。其上屆開報者。下屆果係游學未歸。患病未痊。該教官查驗確實。再行詳請展限。一俟病痊回籍。即送補考。如欠至三次以外。俱不准展限。竟行斥革。儻有扶同捏報。不行詳請展限者。該學政嚴察。將教官叅處。以專責成。又議准。嗣後邊庠文武生員。如有游學內地者。必呈明本學教官。牒行州縣。取具地鄰甘結。詳明學政。批允遵行。仍令該縣註冊。歸日銷案。有不呈報本學。私自他出者。即將本生斥

革完治。如已報明。而教官不牒州縣。及州縣不
即轉詳學政者。均分別查叅議處。○十四年奉

旨。朕前降旨。生員歲考。欠至三次以外者。皆行斥革。今
于敏中以浙江游幕在外。欠至三考者。通計有七十
餘名。請立定程限。咨催回籍補考。大學士會同該部
議駁甚是。但朕念該省士子。其逾限尚係初次。且有
七十餘人之多。伊等向來讀書入泮。亦匪容易。若盡
行除名。情有可憫。此七十餘人。著加恩免其斥革。以
示朕格外矜全之意。著勒限催回原籍補考一次。若
仍藉端規避不赴考者。即行斥革。其如何勒限。著該

部定議嗣後如有三次欠考者依此議行欽此遵

旨議程酌量程期其離浙省地方在二千里以內者定
限四月四千里以內者定限八月六千里以外
者定限一年俱令該學政行文各該處嚴催回
籍補考以文到之日扣算起限逾限不赴考者
即行斥革○十九年題程文武生員係教官管
轄嗣後丁憂起復查明取結徑報學政毋庸由
縣轉府至廩生遇有事故應扣廩餼事關錢糧
未便刪減其丁憂起復之處仍照舊例辦理○
二十九年議程嗣後隨棚補考生員即令本地

府廳眼同教官嚴加考試。將原卷鈐印封送學政。另差門斗伴送補考。毋令本生親齋。致滋代倩。其隨棚提調考試補送。並徑由教官補送之處。概行停止。○又議准。貢監生於鄉試之年。丁憂起復。在七月以前者。於七月內即行報部。在七月以後者。於年底彙冊咨報。○四十二年覆准。生員為人後者。若以一人承繼兩房宗祀。而本生父母物故。並無子嗣。仍照例丁憂。期年。期年內不與考試。○四十六年覆准。生員考取欽天監算學生。該省學政於歲考學冊內。註明在

監效力字樣報部備查。○五十年

諭禮部奏江蘇通州生員劉明綱丁憂並無報呈致學書孫兆基誤開該生病故其中恐有別情交江蘇巡撫查辦等語此案即着交與閔鶚元逐一詳查據實辦理至劉明綱既係生員伊父病故後自應遵例具呈報明何以僅開紙條倩人赴學書處代報又稱昏迷之際未曾分析註明以致學書誤造病故即使查無規避情事將來亦不准其考試○五十二年覆准生員考取算學生以欽天監肄業註冊免其歲試其未准部咨以前所欠歲考俟該生因事出

缺回籍後照例補考。其現充算學生之時。所遇
歲試即以算學生註冊報部。○五十六年覆准
生員考取算學生。如於未考之前業已欠考三
次。即係例應斥革之生。與既取算學生後欠考
註冊者不同。自不准由生員考取。仍照平人一
例肄業。○嘉慶十五年議准。舉貢生監出繼。必
由該地方官具文轉詳。專咨報部立案。如部中
先無案據。丁憂時始據聲敘。及藉詞補報者。概
不准行。僅係有心規避。希圖考試。即照短喪例
嚴辦。○又覆准。生員在外聞訃。未將聞訃到籍

日期具報。比照官員丁憂呈報遲延罰俸一年例。俟該生得官之日。罰俸一年。○二十四年

諭謝階樹奏文武生員欠考人數衆多。請分別辦理一摺。湖南各屬欠考諸生。自三次以上至八次者。竟有七百七十名之多。積習相沿。本應概予黜革。姑念人數衆多。其欠考三次各生。著仍照乾隆年間之例。暫免革除。欠考四次者。亦加恩暫免革除。均勒限咨催回籍補考。自欠考五次以至八次者。俱著即行黜革。以肅學校。○又

諭吳其彥奏生員欠考人數衆多。援案請旨辦理一摺。

直隸學政所轄八旗漢軍及順天等府屬。欠考三次四次生員。共有一百七十人。舊例本應黜革。姑念人數衆多。本年湖南省曾援照乾隆年間之例。施恩將四次以內者。暫免革除。所有直隸學政所轄欠考三次四次生員。亦著加恩暫免斥革。即勒限催提補考。如四次者再欠考一次。三次者再欠考二次。該學政即將該生黜革。咨部除名。○道光元年

諭胡敬奏生員欠考人數過多。援案請予寬限一摺。安徽省欠考三次文生一百二十人。武生八十人。照例本應斥革。姑念人數衆多。從前直隸湖南俱有寬限

舊案。所有安徽省欠考三次之文武生員。著加恩均暫免革除。寬限一次。該學政即勒限催提。隨棚補考。儻四次不到。即行斥革。咨部除名。○七年議准。補考各生。務須另行造具清冊。註明以上若干名。字樣咨部。不得於等第冊內旁註。致滋弊混。○又議准。廩增呈報游學。俱遵例勒限補考。逾限不補者。開糧不作缺。限外補考者。查明逾限月日。均扣算作曠。其上屆開報。下屆歲考無故不到者。照例斥革。如果游學未歸。由該教官確查詳請展限。至三次歲考以外。徑行斥革。以符定例。

而杜弊竇。○同治六年覆准。江蘇省近來考試連年補行。欠考各生。按數雖欠三考。而與從前欠考三次實歷九年不同。准其按數補足。即予開復。○光緒元年奏准。山西省士習簡陋。事故多不呈報。近來陝甘多故。游學鄰省者。動輒數年。家中不知呈報展限。以致誤考愈多。計每次歲考。因臨點不到。斥革生員竟至五六百名。良可憫惜。所有近歲一次誤考斥革生員。除實在玩視歲考。不准藉詞開復外。其確有事故。遽誤未報。及游學鄰省。被匪阻隔者。准其取具切實

印甘各結。咨部開復。仍嚴禁勒索捏飾等弊。○
七年奏准。近來軍務已平。嗣後生員歲試。如有
無故臨點不到。及欠考三次者。一律斥革。由各
該學政於學冊內分款開註。報部除名。概不准
捏稱事故。援從前成案。蒙混詳請。希冀開復。○
復姓改名出繼歸宗。○順治九年題准。凡告改
學改姓改名者。俱屬弊竇。概不准行。如果姓應
歸宗。名實犯諱者。發落畢。呈請批奪。○康熙二
十七年議准。嗣後監生改名復姓。必經該省布
政司。及直隸府尹。守道轉送到部。方准復改。若

州縣官違例越申到部者。概不推行。○雍正七年議奏。浙省舊俗。多有以出繼外親之姓與考入學。又有因試不獲售。急於進取。即以他姓赴考。傲幸入學者。嗣後生員悉用本姓的名應試。童生務令以本姓赴考。如生員不復本姓。及童生冒姓入學者。除本人斥革外。仍將失察之教官。及濫送之地方官。照例議處奉

旨依議。其借他人名入學者。令該教官逐一查明申詳。改正之處。著行文直省一體遵行。○乾隆四年議准。嗣後舉人進士內。有果係出繼歸宗者。仍令具

呈到部。並取具同鄉官印結。准其復還本姓。八年議准。咨革監生。其犯罪情輕者。止許原名捐復。不准改名另捐。凡從前易名復捐者。俱准自首。將執照繳銷。免其治罪。僮隱匿不首。經地方官查出。除黜革外。仍照違

制例治罪。如犯事到官。即行追照審擬。地方官不得藉此扣限遲延。十一年議准。閩省考試多不用本姓本名。捏造三代。隨意填寫。必俟發案後呈請更正。並有不更正者。應令該督撫學政通行各該州縣及教官。於文到日徹底清查。所屬

士子。有假捏姓名未經更正者。定限三月內悉令呈請更正。該學教官。出具所屬士子俱係本姓名。並無詭捏印結。申詳存案。儻逾限不首。該教官朦朧出結。別經發覺。本生斤革治罪。仍將出結之教官查叅議處。其童生考試。有不用本名。本姓假捏入學者。查出。本童斤革治罪。仍將保結廩生一併斤革。○嘉慶九年

諭。昨據紀昀奏稱。四川省職官生員等。有因敬避

陵名漢字。呈請改名咨部覈辦之案。因令查取原案呈覽。一係該省縣丞樊泰。詳請改名樊仲翔。經勒保咨

請部示。業據禮部咨駁。一係貢生張景超。由該學政錢棧飭令改名步超。咨請換給貢單。禮部尚未劄覆。前因。

山陵稱號各清語。非臣下所當命名。應行一律更改。當經明降諭旨。專指清語而言。至。

各陵稱號漢字。臣民等如有以景字泰字等字命名。而下一字係齡林等字者。兩字相連。兩音相叶。如策丹玉福之原名者。是以更改。其專用景字泰字等字命名者。原不在敬避之列。勒保係滿洲大臣。非不曉文義者。且久任封疆。乃率據樊泰原詳咨請部示。已屬。

拘泥不曉事體。禮部所駁甚是。錢棧身任學政。輒將貢生張景超易名步超。呈請換給貢單。尤屬不通。勒保錢棧均著傳旨申飭。並將此通諭中外。一體遵照。

○十八年議准。嗣後舉貢生監於中式報捐後出繼者。專案詳咨。其係早經出繼者。於入學中式報捐時。將出繼年月。並今生及嗣父母存歿詳細呈明。地方官由司按季冊報。應專咨者。務須隨時達部。應彙報者。務須按季咨明。不得遲延逾限。以致遇事無所查覈。再有已經入學中式報捐各生。從前先已出繼。遇有本生父母喪。

例應降服者該地方官於各該生等呈報丁憂時即查驗學冊親供執照覈對所填三代果與所呈無異即隨案詳明由該督撫學政等於咨文內確切聲敘。○十九年覆准江蘇省廩生李瑛等入學後呈請復歸本宗徐姓據稱兩房俱無子嗣因其父受李姓撫養之恩不忍聽其絕祀欲將伊弟李珮附生李珮仍承徐嗣等因查異姓繼立與例不符應令一體改歸以符定例所引乾隆三十九年戶部郎中楊嗣曾改嗣徐姓一案係奉

持旨准行。不得援以為例。○二十年覆准。小宗出繼兼承小宗之祧。即將兩祧之處。報官立案。所捐監生。咨部改填所生三代。毋庸補填兼祧父名。○又覆准。小宗獨子。出繼大宗。所捐監生。應准更承祧父名。以正支派。○二十二年議准。鄉試年分。貢監生員。不准更名。○道光六年奏准。嗣後揀選舉人。如已截取到班。赴部投供。凡改籍更名出繼等事。俱歸吏部辦理。仍於覈准後。知照禮部。其但經截取。尚未投供。選缺以前。一應改籍更名出繼等事。仍歸禮部覈對。均令於咨部

文結內聲明有無考取。並議敘職官是否大挑。已未分發試用。及已未截取投供赴選字樣。以憑分別辦理。禮部辦竣後。亦即知照吏部。○十四年覆准。出繼異姓隨同發配。安置為民子弟入籍入學後。復姓歸宗。勒令全家一體改歸。以符定例。惟已隨配所入籍多年。免其改回原籍考試。○十六年覆准。湖北省舉人靖郁齡。名音與

陵音相叶。理應敬避。准其更名郁恆。○二十四年覆准。福建省舉人陳福齡。本名與

福陵二字兩音相叶。例應敬避。准其更名福昌。○二十六年議定鄉會試年分。凡舉貢生監俱不准出繼。及復姓歸宗。○又覆准漢軍自幼出繼滿洲表親報考入學。准其歸宗。更正三代旗佐。○二十九年覆准擬拔增生歸宗復姓。查明是否同隸一縣。取結送部補行會考。○三十年議准。令省異府同府異縣之生童。如有承繼歸宗者。令於未考之前呈明。知照兩籍。不准跨考。方准入籍考試。○咸豐元年覆准。已革副貢生。若准以原名捐監就應鄉試者。不准更名報捐。○八年

覆准。舉人出繼同縣姻親與例不符。如請出繼在改籍之後。尤屬蒙混。概不准行。○同治六年奏准。大宛兩縣生員。並由廩增附報捐貢生。嗣後再有改籍而兼改姓名三代者。無論同日呈請。或分次呈請。均止准頂戴榮身。不准以原資捐考。順天直隸各屬。凡有似此者。均一律辦理。以防弊端。至貢士舉人。恩拔副歲優貢生。改籍歸宗者。本屬無多。仍照舊辦理。○七年議准。廣西省舉人周萃純。因純字理應敬避。准其更名萃祺。○九年覆准。自幼抱養姻親為子。並非無

宗可歸。不難知本宗三代名氏子孫捐考。飭令改歸本姓。其抱養子用養父三代捐考。應行更正。○又議准。自幼出繼異縣外姓。入學後呈請歸籍復姓。由學政取具兩姓宗圖。並族鄰甘結。准其歸宗復姓。撥入原籍學冊。此後歲科考試。不許復回異縣之籍跨考。○又議准。自幼被異姓逼勒過繼。中式舉人後。呈請復姓歸宗。由該撫查明。取具印甘各結。宗圖送部。准其復姓改名。更正三代。○光緒元年覆准。舉人歸宗。俟覆試後。呈明地方官。繪具宗圖。註明男女三代存

歿取族鄰甘結。加具印結。報部覈辦。○四年奏准。安徽省宿松縣賀姓。因其先承嗣外家姓吳。嗣後族中應試捐考者。賀吳互姓。相沿已久。提督吳雲集身故。其子賀壽先以本宗賀姓報考入學。因承襲父廕。請於姓上添一吳字。顯違定例。應不准行。並咨行安徽巡撫學政。轉飭該地方官清查該族沿用外家吳姓。報捐赴考之舉。貢生監等。一律改歸本宗賀姓。以清戶籍。而杜弊混。○六年覆准。捐納監生。

賞給副榜者。不准更名。○又覆准。文生入學。誤填他

人三代呈請更正者。概不推行。○又覆准承繼之後。繼父生有子嗣。本生乏嗣。理應歸宗者。如從前出繼後。報捐監生時。並無出繼案據。中式親供。亦未填寫本生三代。已經更名。復又呈請歸宗。概不推行。

告給衣頂。○順治九年題准。年老生員。呈學轉申提調官。查無違礙。取結於案。臨半月前。申詳免試。若已赴考。及緣事未結。青衣發社。與行止不端者。俱不推給頂。○雍正二年議准。滿洲蒙古漢軍生員。年老有疾。亦准給衣頂。如丁艱告

假患病緣事。及隨任等情。據實呈教官申報學政。仍照例補考。○七年議准。告頂生員。既免考課。又不開報優劣。該生恃其無所約束。倚生員名色。包攬詞訟。妄生事端。嗣後照禮部覆准。文武生員五人互結之例。結得並無抗糧包訟等情。一生犯事。互結之生同罪。於每年十月內投遞該學教官。加具印結。歲考時另造優劣清冊。一同呈送學政查察。該教官仍不時訪查。有行止不端者。詳請褫革。如徇隱袒護。一經查出。照徇庇例議處。○十二年議准。斥革貢監劣生。不

得冒給衣頂。如有黃緣給頂者。一經發覺。除本
生從重治罪外。將該學政一併嚴加議處。乾
隆五年奏准。文武生員。有情願告給衣頂者。除
篤疾之人。照例令該學教官據實具詳。准給衣
頂外。其有以年老告給衣頂者。按其入學已歷
三十年。無論衰病與否。俱為合例。或入學雖不
滿三十年。而年已及七旬者。亦為合例。統令呈
明該學教官查驗確實。出具並無假捏規避印
結。申送學政衙門。給予衣頂。免其歲考。仍不准
應鄉試。又議准。嗣後武生降為青社者。如未

滿十科。仍照例不准給頂。其入學三十年。與年滿七十。未經十科。均准給頂。八年議准。嗣後患病欠考之生。請給衣頂。由該學教官查明。如已成痼疾。及年屆七旬者。出具並無假冒規避印結。申詳該學政。即准給衣頂。免其補考。至武生原以外場為重。必年富力強。始可入選。若年屆六十。雖未經十科。亦准給予衣頂。三十九年覆准。向例生員已成痼疾。及年屆七旬者。准給衣頂。免其補考。其欠考次數。雖未載明。尚非託詞展限可比。照例准給衣頂。免其補考。嘉

慶八年覆准。生員告給衣頂。准其兼襲世職。給予全俸。學冊內註明。仍不准應試。二十二年覆准。附生告給衣頂。准其報捐貢生。仍不准再應鄉試。道光十五年覆准。生員在軍營效力。致病業經批准廢疾。給頂註冊。病愈不甘自棄。准其收復補考。咸豐八年議准。生員告給衣頂後。報捐貢監。由本學調取執照。驗明填註。不准鄉試字樣發還。隨時將註照緣由。專案報部。九年覆准。生員告給衣頂。加捐訓導分發。概不准行。光緒七年覆准。生員告病。已給衣頂。

病愈仍請收學應試概不推行。

原名應試。○順治九年題准。黜退生員。如不係
行劣者。提調官准與童生一體收考。若曾經犯
罪問革。變易姓名。傲幸出身。訪出嚴行究革。教
官納賄容隱。生員扶同保結者。一體治罪。○雍
正八年議准。已經問革生員。應令提調官嚴查。
或罪止褫革。或本案情罪尚有可原。及革後能
改過自新者。取具教官廩保印甘各結。詳明查
覈。准其以原名考試童生。如情罪可惡。並不改
過自新。變名混考入學者。除將本生嚴究黜革。

外。其提調教職。均照徇庇例議處。廩保即行黜革。乾隆五年奏准。緣事黜革生員。除包攬詞訟。武斷鄉曲。及一切實係本身重犯。於律無可貸者。仍永行禁革外。其有因人波累。與本身自犯。情有可原。及罪在杖一百以內。革後能改過自新者。俱准以原名考試。童生監生。亦許以原名捐復。其舉人貢生。有願考試者。亦照例准其一體應童子試。以圖上進。俱令取具里鄰確實甘結。報明該地方官。及教官。查明加結。係應童試者。申送提學。係捐復監生者。申送撫藩。各加

數實准行。如有隱匿重情。蒙混濫邀者。仍應斥退。其應行收考收復者。毋許地方士庶挾嫌告訐。違者。以誣告治罪。○二十八年覆准。匿喪考試事。干不孝。與尋常緣事斥革。罪在杖一百以內者不同。所有匿喪取進之人。斥革後不准考試。○三十五年議准。定例舉貢生監在杖一百以內。革後能改過自新者。該地方官查明。取具里鄰確實甘結申送。方准以原名應試。若於結案時。即聲明辨理。以現在斥革之人。驟予上進之階。於情理未協。嗣後如係舉人斥革。願以原

名應試者。由該督撫覈明咨部。飭取審結全案。按例定議。其貢監生員斥革後呈請原名應試。應照例令鄰里出具甘結。由教官牒送該州縣官。查係合例。將審結全案。一併申送提調官。嚴加覆覈。詳報學政收考。如有率行申詳等情。該學政即行據案駁查。以杜冒濫。○嘉慶二十五年覆准。文童赴考丁憂。實係家人未經報知。與知情匿喪有聞。服滿後准其考試。○又覆准。監生加捐職官候選。曾應鄉試。緣事斥革。不准原名應試。○道光七年覆准。監生捐職人員。改名

復應童試入學。一併斥革。如係自行檢舉。准以入學原名捐考。○七年覆准。正藍旗佛珠靈阿考試文生十六歲。捏報十四歲。係奉

旨。永不許考試文場之人。不在

恩詔赦免之例。不准考試。○九年覆准。生員改名加捐職銜。一併褫革。准其以入學原名就應童試。○十二年覆准。舉人會試落第。刊刻落卷。奏參斥革。准其以原名就應童試。○十八年覆准。舉人緣案斥革。實係疾速所致。病愈。取地方官印結咨部。准其以原名就應童試。○二十四年議准。

已捐監生改名應考童試入學。一併斥革。如實
係不諳例禁。入學時即將原捐執照呈繳。准其
以入學原名就應童試。○咸豐元年覆准。教官
不善訓迪。奏參革職。不准捐復原資。准其以原
名捐監一體鄉試。○又覆准。生員鈔錄舊文中
式並無懷挾情事。革去舉人。仍准其以原名應
試。○同治十三年覆准。舉人因磨勘斥革。非科
場舞弊。准其原名就應童試。○光緒四年覆准。
童生未經服闋。補行縣考。應試取進。例應斥革。
查係不知例禁。誤會補考。與有心匿喪不同。准

其原名應試。○五年覆准。舉人覆試身病。試卷未完。斥革。與科場舞弊有聞。病愈。准其原名應試。○九年覆准。被災地方生員。流離轉徙。致誤歲試。其已經斥革者。准以原名應試。